



255 h
881
7.
Q. B. U. D.
DE 1679, 3
M 3
23

ADVOCATIS EORUMQUE OFFICIO

IN
BENE CONSTITUTA REPUBLICA
VALDE NECESSARIO,

PRO OBTINENDA
AD
DOCTORALES UTRIQ; JURIS HONORES

LICENTIA

Publicè disputabit

Carl Heinrich Weylschmiedt/

CRIMMITSCHENSIS MISNICUS

RESPONDENTE

JOHANNE HENRICO MYLIO,
HALLENSI SAX.

Ad diem 28. Maji (7. Junii) M. DC. LXXIX.

H. L. Q. C.

ERFURTI,
Typis KIRSCHIANIS,

L. B.
HOC. QVALE. QVALE. SIT. SCITO. SACRUM. EI.

QVI.
SPLENDET.
GENERIS. NOBILITATE;
CORUSCAT.
EJUSDEM. ANTIQVITATE;

IN. QVO. SI. QVÆRAS.
VIRTUTEM.
INVENIES. TOTAM.
CONJUNCTAS. QVE.

CUM.
AD. GENEROSITATE. HUMANITATEM.

ET.
PRUDENTIA. PIETATEM.
ITA. PRAECLARE. SE. GERIT. OMNIBUS.
MIHI. OLIM. FUIT.

SUSCEPTOR. VENERANDUS;
FUIT. EST. ET. ERIT.
MOECENAS. USQVE. COLENDUS;
NOMEN. AVES;
EST.

CAROLUS. BOSE!

DYNASTA. IN. MILAU. LENGENFELD. ETC: ETC:

SERENISS. MAURITIO,
A. CONSILIIS. ET. PRAEFECTURAE. PLAVIENSIS;
P R A E S E S.
VIR. NUNQVAM. SATIS. LAUDANDUS.

POSUIT. HOC.
EJUSDEM.

CLIENS.
Carl Heinrich Peylschmiedt,
CRIMM. MISNICUS.



I. N. J.

PROOEMIUM.

Ngens inter quosdam extitit hactenus contentio, Advocati in Republ. sintne tolerandi, an ejiciendi? Et sanè etiam posterioris affirmantium castra, quin multi sequantur, adverte ubique, his moti rationibus, quòd clientes decipiant, adversarios fatigent, judicia corrumpant, nocentes liberent, mala quæque Reip. inferant; Ast cordatiores faciliè deprehendunt, de rabulis, imperitis, illiteratis, qui nec nomen Advocati merentur, dicta accipi debere, benè gnari, Advocatos veros talia non tentare, ne cogitare quidem, sed omnibus modis eniti, ut causæ ritè tractentur, lites finiantur, clientes recipiant suum. Ob abusum itaque usus, ob inutile, utile non est tollendum. Quod ipsum sequentes pagellæ latius demonstrabunt, fiat ergò initium

AUSPICE DEO!

C A P. I.

De

ADVOCATIS.

I.

ADVOCATUS ab ad & vocando dictus, quasi ab aliis advocetur in consilium vel auxilium, GENERALITER† pro iis, qui quoquo modo causis agendis præsumt, ut Patroni, Procuratores comprehendantur, l. 1. §. 11. π. de extraord. cognit. in primis Procuratores Camerae, Gail. lib. 1. Obs. 43. n. 8. in fin.

SPECIALITER verò pro eo, qui potissimum causam alienam Juris

A 2

remc-

remediis tuetur, Schot. *Exam. Jurid. p. I. de Adv. 1. § 2. qv. 1.* accipitur. Aliàs PATRONUS CAUSARUM, ORATOR, CAUSIDICUS, TOGATUS, JURISPERITUS, DEFENSOR &c. appellatur, Finckelt. *Tr. de Jure Patron. Cap. 1. n. 19. § seqq. it. MILES* militiæ togatæ, seu COELESTIS, Zang. *de Question. s. tort. reorum C. 1. n. 75. § 76.*

II.

Est verò ADVOCATUS vir vitæ ac morum probitate, multarumque rerum usu & experientiâ præditus, qui causis agendis vel defendendis quoquo modo vacat, operamque suam ac patrocinium litigantibus præbet, ad hoc vocatus. Rosbach. *Prax. Civ. Tit. 18. n. 1.*

III.

ADVOCATI vel sunt VULGARES, vel FISCALES. VULGARES† vel STATUTI, vel SUPERNUMERARIJ. Illi† dicuntur, quorum nomina matriculæ inserta, certo foro inservire debent, l. 13. C. de Adv. 1. Sic forum Præfecti Prætorio centum quinquaginta, l. 8. l. 11. pr. § 5. ult. l. 17. pr. C. d. t. Forum Præfecturæ Urbaniæ 80. l. 7. C. de Advoc. 2. Forum Alexandria in Ægypto 50. l. 13. C. de Adv. 1. Forum Comitatus Orientis 40. l. 3. C. de Adv. 2. Forum Præsidis Provinciæ Syriacæ 30. l. 5. pr. C. eod. continet Advocos. In Camera Imperiali 24. Ord. Cam. p. 1. Tit. 18. Sic etiam Curia Suprema Lipsiensis certos constituit zum *Rechtlichen Verfahren*/certos etiam zur *Güte*. Hi† describuntur, qui sunt supra statutum numerum, & per omnia fora liberè oberrant, l. 11. §. ult. C. de Advoc. 1. Quò referunt Advocos & Procuratores Camerales, recens in ordinem receptos, qui causâ cognitâ alii foro inservire possunt, modò sine incommodo causarum ipsis creditarum fiat, eò quòd fortè exiguum adhuc causarum agendarum numerum habeant, Ord. Cam. p. 1. §. 19. vers. *Es sollen auch 2. verbi: Doch so die Jungen 2.* Hodie ingens Supernumerariorum datur caterva, ita quidem, ut si eò indoctos Procuratores, & rabulas, qui promiscuè in nonnullis judiciis, non nisi maximo Reipubl. incommodo, Advocatorum privilegia sibi applicent, referre velis, numerum fermè illorum innumerum conficias.

FI-

FISCALES † sunt, qui causas fisci agunt & defendunt, quibus multa competunt privilegia & dignitates, t.t. C. de Advocatis Fisci.

IV.

Omnes possunt esse Advocati, qui non prohibentur. Prohibentur **MINORES** † decem & septem annis, l. 1. §. 3. *vers: Pueritiam* π. de postulando, juncto §. ult. 1. Qui *Ex quibus causis man. non possunt.* **FURIOSI**, † **MUTI**, **SURDI**, d. l. 1. §. 3. d. t. quod in Surdastro non obtinet, Treuth. Vol. 1. Diss. 8. th. 1. lit. f. **COECI**, † l. 1. §. 5. π. d. t. nisi alicubi moris sit, ut Advocati in scriptis & non oretens coram desideria exponant. Mutum, † aut surdum ex accidenti talem Advocati munere fungi posse, constituto interim Procuratore, qui actus judiciales exerceat, optimè statuit Dn. Stryk. Tr. de Jure Sens. Dissert. 4. c. 4. n. 10. **FOEMINÆ**, † quæ pro aliis postulare nequeunt, quia pudori sexus non congruit officio virili, quale hoc est, fungi, l. 1. §. 5. π. d. t. l. 12. C. de Procurat. etiam scæminas à viris, non vice versâ defendi æquum est, l. 2. π. de Injuriis. §. 2. l. eod. in tantum, ut ne pro liberis propriis admittantur, l. 31. §. 6. π. de negot. gest. Pro se tamen postulare non vetantur; quia propriam defensionem suscipere non virile, sed cujusvis est officium, nec rei suæ bene gerendæ occasio cuiquam est auferenda, l. 4. *Arg: l. 9. C. de Procurat.* Usus autem forensi, de Jure Saxonico, scæminæ ne pro se quidem postulare possunt, nisi habeant curatorem ad litem, Ord. Proc. Tit. VIII. pr. Const. El. 15. p. 2. Carpzov. p. 1. Const. 1. Def. 30. & in Proc. Tit. 5. Art. 5. n. 46. *Et seqq. item lib. 3. Resp. 13. adde Wissenb. p. 1. Diss. XI. th. 6.* Possent tamen tentari, scæminas jure naturæ etiam pro aliis postulare posse. De quo in conflietu. Patet hinc **HERMAPHRODITOS** Advocati munere fungi posse, si virilis sexus in eo prævaleat, l. 10. π. de statu hom. l. 15. §. 1. π. de testibus. **INFAMES**, † d. l. 1. §. 5. π. de Postulando, Amad. Eckolt. ad π. de Postulando §. 2. Est enim nobile Advocationis officium, l. 1. *Et 2. C. de Adv. 2. Infamibus autem portæ dignitatum non patent, Cap. 87. de R. J. in Sexto. l. 2. C. de Dignitat.* Quibus † non absimiles, qui immodicâ avaritiâ æstuant, & nimiam habendi cupiditate rapiuntur,

Jodoc. Damhoud. in *Prax. rerum Civ. c. 129. n. 8.* SERVI, † *l. 6. C. de Judiciis.* BANNITI, † *Ord. Cam. p. 2. Tit. 9. §.* So iemand's
EXCOMMUNICATI, † *cap. 12. x. de Except. cap. 8. de Sent. Excommun. in 6.* VASALLI † in causa contra dominum, ob id feudo privandi, *arg. §. 1. 2. F. 33. Hahn. ad Wesenb. de Postulando n. 5.* In iusta † verò causa patrocinium contra magistratum præstans, nec jura civitatis amittit, nec pœnam incurrit, *Carpz. p. 1. C. 1. Def. 21.* JUDICES † in eadem causa, *l. 6. pr. C. de Postulando.* Quæ enim colliganti poterit manere fiducia, qui, quem habere debet arbitrum & justitiæ diribitorem, adversarium sibi deprehendit? Et quæ poterit de judicio isto, quod justitiæ officina esse & dici debet, concipi spes, nisi talis, quæ pessimum suspicatur eventum? *Ziegl. Dicast. Concl. 19. §. 3.* CLERICI, † nisi pro se aut conjunctis agant, *Cap. 1. x. de Postulando.* HÆRETICI, † *l. fin. C. d. t.* JUDÆUS, † contra Christianum: it: Is, qui sacro baptismate lotus non fuerit, & veram fidem non habet, *l. Nemo 8. C. de Postulando. l. 15. C. de Episcop. Audient. Perez. in Cod. de Postulando n. 4.* ADVOCATI, † qui adversæ parti postea patrocinari nequeunt, *Carpz. lib. III. Resp. 3. n. 17. 18. Et seqq.* etiamsi miserabilis persona fuerit. Neque enim faciendâ sunt mala, ut eveniant bona, neque pietatem dixeris exhibitam uni, cum everfione alterius. Pictas vult innoxia esse: non dixeris eleemosynam futuri profuturam, qui corio furtivo confectos calceos in pauperes erogavit. Nec † adeò honestum videtur, ut in *Secunda instantia* reo patrocinetur, qui in *prima actori* præstitit patrocinium & vice versa, *Bernhard. Græv. in Proœm. Concl. Præf. n. 41.* Quid † quòd, qui *Actoris* fuit *Advocatus* & *victoriam causæ* obtinuit, *parti adversæ* contra executionem intentatam absque suspicionem patrocinari nequit, *Carpzov. Lib. III. Resp. 3.* Remove-mus † itidem & maximè remove-mus IMPERITOS, ILLITERATOS, quos *RABULAS* non immeritò vocaveris, & à *Gail. Tr. de Arest. C. 9. n. 17.* *Gerichts-Plöderer / die fast alle Verschreibungen streitig zu machen wissen / appellatur.* Qui miseros rusticellos vi adamantinâ ad se pertrahunt, & svadent, ut *litem* moveant do-

dominis, Knichen. *de Invest. Pat. C. 3. n. 60. § 62.* Qui venales se exponunt, & venientibus occurrunt, dicentes: Domine, benè veniatis, quid habetis facere in curia? Si vobis necessarium est meum servitium, præcipiatis. Speckhan. *Cent. 2. Class. 4. qv. 44. n. 4.* De quibus verè dici potest, quòd sint ut pica & pstitacus, qui stant in palatio dominorum, & loquuntur sine intellectu: quorum imperitia totum mundum destruit, ponit conscientias magnorum virorum in magno discrimine; Bald. *in Conf. 6. Vol. 4.* quibus suggerunt multas clausulas, quas ipsi non intelligunt, Alex. *Conf. 52. n. 29. Vol. 4.* Egregiè Carpzov. *P. 1. C. 2. D. 15. n. 2.* Qui pro Jctis leguleji, pro Politicis nebulones, & pro Oratoribus procuratores existunt. Viri extra omnem dubitationis aleam improbi, qui ad mala facienda instructi, quæ non decet, eloquuntur, mentes puras turbant, & imposturis decipiunt, sicque verè pestes Reipubl. perniciosissimæ populique adulatorum existunt, adè ut pestis illa nobilissimas quasque provincias jamdudum occuparit testante Heig. *p. 2. qv. 7. n. 1.* Vivis verò coloribus à Petro Gregorio Tholosano *in Synt. Juris Univers. lib. 49. C. 6. n. 32. § 33.* depinguntur: I hæ cicadæ, inquit, judici officiant; Nihil enim præter verba, quæ tantum gratiæ, blaterant & grunniunt, veritatem obscurant, tempus judicandis litibus decretum battologiâ inutiliter terunt, falsa pro veris, à patre mendaciorum sic edocui, evomunt, lites protelant, & penè æternas faciunt, litigantes decipiunt ac conficiunt, fucis que & inanibus verbis judicium protrahunt, quæ res in civitatibus omnibus & singulis maximè pernitiola est: discordiam quippe civium, simulates & odia parit, juxta illud à non ignoto dictum: lites ubi multæ & injuriæ multæ ubi sunt, cives inter se amici non sunt. Hæc ille. Quibus consona, quæ Parthen. *Litig. lib. 1. C. 9. n. 17.* refert: Es pfeget auch gemeiniglich also zu geben/ wenn Oratorn für Rechtsgelehrte gebraucht/ die größten Schwäzer und Streitköpffe für die besten Juristen gehalten werden. Solche Gesellen wissen das Recht zu drehen/ wie man es haben will/ wissen böse Sachen zu verbliemen und gut zu machen / mögen kein gewiß Recht leyden / ziehen alles für sichlich in Zweifel / disputiren allezeit / sind in Schlußsen ungetwiß. Es kan ihr einer mehr vertwirren / als ihrers zehen

gehen schließen mögen; Rühmen sich / daß keine Verschreibung so
kärck / dadurch sie nicht ein Loch machen können / welcher unbesonne-
nen Meide wegen sie billich in das engste Loch / so vorhanden / damit
sie kein anders machen könten / gesteckt würden. Act hoc imperitia
saluberrimis improbetur legibus , l. 11. §. 1. C. de Adv. 1. l. 9. C.
de LL. ut propterea nec hodie in foro admittantur , priusquam
sua eruditionis testimonium & profectum in Audio Juris exhib-
uerint , *Zorganisch* Anschreiben de Anno 1583. Tit: Von *Advoca-*
caten und *Procuratoribus*. §. Gebieten darauf 2c. Ord. Pol. de Anno
1612. Tit. III. §. Besonders auch 2c. Churf. Sächs. P. und G. Ordn.
Tit. III. §. Besonders aber 2c. Resol. Gravam. Tit: Von *Justitien*
Sachen / §. Zum vier und dreyßigsten / ibi : So wollen wir unsern
2c. andertweit Krafft dieses ernstlich anbefohlen haben / daß sie solche
ungelehrte Personen / so ihres *Studierens* / *Erudition* und *Geschick-*
lichkeit halber kein *publicum Testimonium* oder *Specimen* fürlegen
können / in ihren anbefohlenen *Gerichten* nicht zulassen / sondern gänck-
lich abschaffen / und do sie über *Verboth* sich ferner dessen unterfahen
würden / mit *Gefängniß* / *Estrafe* / ohne einige *Connivenz* und *Un-*
sehung der *Personen* belegen sollen. Unde ꝛ etiam quotidie pron-
unciatur : Daß *N. Advocat* seiner *Erudition* und *Geschicklichkeit*
halber ein gnugsamb Zeugniß vorzulegen 2c. Dn. Schwendendörf-
fer, Jctus in Academia Lipsiensi celeberrimus , in not. ad Fibig. §.
1. p. m. 19. ut ꝛ propterea scripta seu supplices libelli, vel positio-
nes legales , supplicationes und *Rechtliche* *Gefätze* ab *Advocatis*
subscribi debeant, Resol. Gravam. d. l. §. Und damit hierüber zum
fünff und dreyßigsten 2c. verb: Daß die *Zichter* die *Supplicationes* und
Rechtliche *Einbringen* 2c. Quid ꝛ quod etiam alias gentes, præter
Germanos , istiusmodi ineptos *Advocatos* à dignissimo *advoca-*
tationis officio optimè excludere videmus ; uti & proximè in no-
vellis Lipsiensibus p. 3. hebdom. 17. Ann. 1679. Mens. April. à
Gallis scriptum memini : Paris vom 18. dito , Der König ist ents-
schlossen / das *Studium Juridicum* alhier wieder einzuführen / und sol-
len die *jenigen* / so sich zum *Advociren* wollen gebrauchen lassen / al-
hier oder anderswo drey Jahr lang studiret / und die 3. öffentlichen
Disputationes mit *Ruhm* ausgestanden haben. Videmus ꝛ tamen
his non attentis , passim ad *judicia* *ingentem* *Imperatorum* *gregem*
accur-

accurrere, ibidemque admitti, vel ex conniventia iudicis, vel adversæ partis, qui miserimos clientes seducunt, compositiones amicabiles ut plurimum impediunt, pecuniam extorquent, cum adversario conspirant, iudices corrumpunt, causam proteolant, imò egregium opus facere sese existimantes, si omnia decreta, omnes sententias à viribus rei judicatæ suspendant. Hinc tot prævaricationes, tot falsationes. Sed unde hæc omnia? Nisi ex Rabularum inscitia! Qui sine his artibus causæ victoriam vix ac ne vix sibi persuadere possunt. Fatendum tamen quidem, etiam peritos Advocatos omni honestatis ratione posthabita interdum talia facere, quæ officio eorum minus congruunt; imperitiam tamen potissimum hæc efficere, nemo fortè inficiabit. Optandum sanè, ut Principes & Magistratus huic malo, quod indies, non sine maximo Reipublicæ detrimento, latius serpere videtur, occurrant; Sic enim Respublica salva, multorum conscientia tranquillæ, plurimorum animi pacati relinquere-
rentur.

CAP. II.

De

ADVOCATORUM OFFICIO
IN REPUBLICA VALDE
NECESSARIO.

I.

Est verò laudabile, vitæque hominum maximè necessarium
ADVOCATORUM officium, ut sine eo Remplicam benè consistere non posse, asserere non vereamur, Græv. *Concl.* 43. n. 1. Egregia sanè sunt, quæ in l. 14. C. de *Advoc.* 1. habentur, digna, ut hinc ascribantur: ADVOCATI, inquit Imperator, qui dirimunt ambigua fata causarum, suæque defensionis viribus in rebus sæpè publicis ac privatis lapsæ erigunt, fatigata reparant, non minus provident humano generi, quàm si præliis atque vulneribus patriam, parentesque salvarent. Nec enim solos nostro imperio militare credimus illos, qui gladiis, cly-

B

peis,

peis & thoracibus nituntur, sed etiam Advocatos. Militant namque causarum Patroni, qui gloriosæ vocis, confisi munimine, laborantium spem, vitam & posteros defendunt. De quibus porro Imperator: Dignum namque existimamus, ut cum omnes bona facientes, nostram laudem & protectionem omnimodò mereantur: quorum scientia totus illuminatur mundus, & ad obediendum Deo & nobis ejus ministris, vita-
subjectorum informatur &c. *Avrb. Habita. Cod. ne filius pro patre.* Ita omninò est. Quis enim nescit, hominum facta interdum sic esse obscura, ut ad eruendum actionis genus vel oraculò sæpe opus videatur? Quis non videt, judices haud rarò existerè tam perfractæ frontis, ut patiantur se corrumpi? Plurimis etiam judiciis, præsertim paganis, assidere judices imperitos; quo ipsi miscerimi litigantes ab adversario decipi, à judice verò ad remissionem juris, vel aliud quid faciliè induci, quinimò cogi possunt. Quod Reipubl. perniciosum, imò exitiosum videtur futurum. Cui tamen per Advocatos occurri potest, quippe qui causarum generà diligenter evolvere, perspicuè ea in judiciis proponere, artibus technicis, fallaciis & imposturis adversariorum, imò & improbo judicis factò omnibus modis resistere tenentur. Ut † taceam causas Criminales, ubi nihil facilius fieri solet, quam ut iudex in delicti circumstantiis non satis informatus vel ob imperitiam, vel nequitiam, innocentem condemnet reum. Ad quod Deus irascitur, Angeli ingemiscunt, Diaboli rident. Advocato † igitur opus, qui ponderatis omnibus delicti qualitatibus defensionem rei suscipiat. Vid. Weizogger. *Diss. 6. l. 9. n. 143.* ubi Advocatos adjungendos esse putat, nec aditum ad carcerem iis præcludendum: imò nihil cogitantibus defensores ex officio constituendos esse, ne indefensè condemnentur, cum notissimum sit, alios ex simplicitate, alios ex terrore suas defensiones allegare non posse. *Const. Carol. art. 47. vers. Und so der Gefangen. ibiq; Zieriz. in not.* Vid. *Parid. de Putco Tr. de Synd. qu. an stetur. n. 30.* ubi dicit, quòd Advò-

Advocati debeant interesse disputationi, an indicia sint sufficientia, & an rei debeant torqueri, non autem, quando reus examinatur, vel deponit, ne instruat ab iis. Cautela ꝑ tamen adhibenda, vel ut Advocatus iurejurando adstringatur, quòd reum, si crimen in progressu apparuerit, amplius defendere nolit, nec nisi iustis defensionibus uti velit. Ita recdè. Agitur enim hic de sanguine hominis, qui inestimabilis. Was Zeit? Was Arbeit? Die arme / auch wohl viel unschuldige Leuthe müssen die Hälse dazn thun. Es wachsen die Köpfe nicht wieder als die Weiden. Justus Oldekop. Tr. de Appellat. in causis Crimin. n. 116. ex Godelman. de Mag. & Malef. in seinem Deutschen Antwort Schreiben anre lib. 3. fol. 5. Unde ꝑ idem benè quidem meo iudicio asserit, inquisiti Advocato defensionem ejus deducturò, dandam esse copiam actorum inquisitionalium, l. c. qu. 1. Dissenti Carpov. Prax. Crim. p. 3. qu. 115. n. 99. Insuper ꝑ & peritissimum interest, causam per Advocatum tractari, cum suà in causa, quis facillè confternatur, voce, vel mente deficiat, & minus quis affectibus temperare possit in suà, quàm in alienà causa, Don. lib. 18. C. 13. Abeant ꝑ ergo, qui Advocatorum munus è Rebuspubl. tollendum existimant; qui vilissima capita, forensia pecora eos appellant, aliàq; in opprobrium Advocatorù allegare solent. Parùm enim malevolorum iniquas in hunc nobilem attendimus censure ordinem. Hi namque, quòd verum Advocatum & conscientiosum à rabulis & improbis nesciant distingvere, nihil aliud efficiunt, quàm quòd Justitiæ virtutum Regiæ vim inferre niantur. Certissimè hinc judicandum, hæc atque talia non nisi ab ASININO cerebro provenire, ut non immeritò dixeris, ad extremas usque Garamantas hujusmodi obtrectatores & calumniatores fore relegandos. Quamvis ꝑ non negem, posse Magistratùm summum huic rei limites ponere, eamque certis cancellis includere, quod in benè constitutis Rebuspubl. factum videmus.

11.

Sed non aliter Advocatorum necessitatem in Republica admittimus, quàm quatenus ea agant, quæ officio eorum exarè congraunt. In id verò potissimum incumbat ADVOCATUS,

ut clientibus fidele præstet patrocinium, consulendo
& advocando, inprimis speciem facti probè examinet, & si-
quidem cliens actor futurus, actionis genus, in cujus evolutione
haud parum situm, eruat, omnes ac singulas circumstantias à cli-
entibus exposcat, nec quicquam eorum, quæ ad fundandum ju-
dicium pertinent, intermittat, Gail. lib. 2. Dec. 49. n. 5. In-
primis ¶ autem observet actionis causam, ex qua agitur, jus,
quo agitur, & rem, quæ petitur. Uno verò horum defi-
ciente, actio est inutilis & infirmi fundamenti, & actor quasi la-
terem lavat in obtinendâ clientis sui causa, teste Joh. Oldend. in
arg. operis class. §. Primum. Plures ¶ ubi competunt actiones,
prout non nunquam fieri solet, l. 34. l. 41. x. de O. & A. com-
modiorem eligat, §. 5. l. Quod cum eo, qui in alien. potest. neg.
gest. esse dicitur. Quid ¶ quod & rem defensusurus diligenter na-
turam exceptionum exquirete tenetur. Notanter Schulz. Obs.
Pract. 10. n. 33. ibi: Operam dabit actor, ut & cautè versetur,
in libello efformando, & id, quo redigi quandoque causa possit,
Ipso agendi exordio comprehendat, ne tardius eò deficiente
non actum de eo esse, neque petitum reus objiciat: Contra ve-
rò reus in id intendat, ut si quid ab actore omissum libello sit, aut
non ritè conformatum, ipse omnes defensionis suæ partes sta-
tim in initio atque in lite contestandâ sic præmuniat, ut regressus
actori non pateat, ad ea, quæ imprudente agendi principio præ-
termissa, deum in progressu judicii multum sibi ad victoriam
profutura esse intellexerit. Ante ¶ omnia amicabilem concordiam
& transactionem svadeat. Ord. Process. Tit. III. verb. *Wittliche
Vergleiche mehr befördern/ als verhindern* &c. Quanquam, ¶ prohi-
dolor, jam eò perventum, ut ad litigandum magis, quàm transi-
gendum clientes adhortentur, dum nullam occasionem corra-
dendi pecuniam, & marsupia implendi prætermittere velint.
Causam ¶ in super manifestò injustam non suscipiant, nec, si ini-
qua post deprehendatur, continent. Unde ¶ jurare debebant,
se integro animo causam sui clientis suscipere, nullam se operam
nullumque studium in causâ clientis sui intermittere velle: de-
niq; si quid maliiosè, aut improbè fingi in eâ postea deprehen-
derint,

derint, ejus se patrocinium protinus omissuros, l. 2. pr. C. de
Jurejur. propter calumn. dando. l. 14. §. 1. C. de Judic. Optan-
dum ¶ foret, adhuc hodiè hujusmodi juramenti Advocatos ob-
stringi, ne promiscuè, etiam in notoriè iniquis fiat defensio.
Verùm crescente indices hominum malitià, ne occasio detur per-
juria sæpiùs committendi, non amplius hæc observari ac optimo
jure abrogata censuimus. Verendum ¶ enim, ne rabulæ, quibus
judicia ubique ferè scatent, de calumniâ potiùs committendâ, quàm
omittendâ jurent. Illi ¶ enim sine defectu clientes recipiunt,
per fas & nefas illos defensuri. Hi inveniunt, salvificum illud di-
ctum Matth. 11. vers. 28. in pessimum sensum, (horrendum di-
ctum!) detorquentes: Venite ad me omnes (clientuli) qui labo-
ratis, (i. e. malas causas habetis) & onerati (i. e. locupletes)
estis, & ego reficiam (decipiam) vos. Berlich. p. 1. Concl. 9. n. 62.

III.

Causam ¶ verò sicut inviti, nisi fore carere velint, l. pen. C.
de Postulando, Græv. Concl. 43. n. 5. §. 14. suscipere coguntur,
ita susceptam sine manifesta clientum injuria deserere non pos-
sunt, l. 5. C. de O. §. A. Sed ad finem usque se laboriosos, dili-
gentes exhibeant, alioquin ex sua negligentia clientibus tenen-
tur, Cacciatop. de Advoc. qv. 4. n. 6. Furtum ¶ etiam facere di-
citur, qui debitam causæ diligentiam & studium non exhibet, Lan-
cell. de Officio Adv. cap. 7. n. 5. Cæterùm ¶ Advocatò non sol-
vendo existente clienti per restitutionem in integrum succurritur.
Carpzov. lib. III. Resp. 4.

IV.

Arcana ¶ quoque clientis nullatenus pandant. Tenentur e-
nim clientulos suos quàm maximè plenâ defendere fide, aliàs per-
fidi dicuntur, Gl. in can. Irreligiosum 5. Dist. 87. Ord: Cam: p. 1.
Tit: 64. ibi: Auch Heimblickheit und Gehelf/ so sie von Partheyen
empfangen. R. Rotg. Ruland. Tr. de Commissi. lib. 1. c. 25. Unde ¶
Confessionariis æquiparantur, Paulus Fulcus Singul. 31. Berlich.
Dec. 101. n. 6. quia quicquid hoc in casu scit, non scit ut homo,
sed ut Deus, c. 2. in fin. x. de officio jud. ordin. Secus faciens falsum
committit, l. 38. §. Instrumenta. 9. π. de Pœnis, ut & prævaricati-
onem, Ord: Cam: d. l. incurrit infamiam, l. 4. π. de Prævarication.

à foro repellitur, l. 5. C. de Postulando, clienti ad damna, expensas & interesse tenetur, arbitrariè mutatur, & sententia insuper, ob prævaricationem lata, est nulla, Carpz. d. l. Resp. 3. n. 3. § seqq. Non ß itaque Advocatus sui clientis documenta literaria ostendat, inspectionem lectionem que permittat, aut causam adversarii simul defendendam suscipiat, etiamsi à persona miserabili vel conjunctâ fuerit rogatus, vel nudum dederit consilium, vel renunciaverit, priori patrocinio. Helg. p. 2. qu. 4. n. 15. vel dimittatur à suo cliente, Umm. Process. Diss. 11. th. 8. n. 39. in fin. vel adversæ parti gratis patrocinari velit, sive in secunda instantia, sive in executione. Vid. Cap. 1. th. IV. Quinimodò nec testis esse potest in causa contra suum clientem, Piccius Aur. Jur. Civ. S. 5. n. 138. quia quæ ipsi revelata, debet planè nescire, in tantum ut ne à judice cogi possit arg. l. fin. 7. de Jurisd. nisi veritas alter haberi nequeat; Mascard. de Probat. Concl. 66. n. 9. Adde Monach. Tr. de Jurisd. ad l. 16. § 17. d. t. n. 3. & Advocatus scientiam rei controversæ ante advocacionem susceptam, vel etiam post eam, aliunde habuerit. Berl. d. Dec. 101. n. 6.

V.
Causam ß porro sic tractare debent, ne litem ex industria protrahant, l. 6. §. 4. C. de Postulando, nec nimia verborum utantur. Ord. Process. Tit. III. pr. verb. Wie auch aller unnöthigen Weitläufigkeit sich enthalten. Quæ loquacitas à Salustio canina facundia appellatur, & qui illa gaudent, litium confutores, togati vultures, & pecuniæ accipitres vocantur, Grav. Concl. 151. Confid. 1. n. 16. Produunt ita lucrandi aviditatem, & si accesserit allegationum cumulatio, quæ judici acta perlegenti, nauseam facit, stultitiam, Carpz. p. 1. C. 1. Def. 4. n. 5. Nec convenit Advocato contra acta negare, aut partes ad negandum instruere, Id. d. l. Def. 20. n. 4. Neque etiam ad confessionem revocandam excitare; uti & nuper in quadam sententia ad Præfectos Cypnenses, in causa inquisitionis contra Erdmann Fridrich Köbels und Samuel Grosfern/zu Nieder Schtéma/ in punct. einer verübten Schlägererey/ Menf. Jan. 79. ex Scabinatu Lipsiensi Advocato cuidam ob id pœnam 5. Joachimicorum dictam esse memini, hisce formalibus: Und ist Köbels Advocat, daß er demselben sein Geständniß zu
revo-

revociren/ in der Defension Anleitung zu geben/ sich nicht entblödet /
umb fünf Rthlr. in Strafe zu nehmen / V. G. W. At convitiis
insuper abtineant, Ord: Torgent: de An. 1583. Tit: Von Advoca-
caten und Procuratoren/ §. Wann aber nach angewandtem Fleiß zc.
Ord: Proc: d. l. ibi: Aller städtlichen anzüglischen Worte/ so wohl ge-
gen die Gerichte/ als ihren Gegentheil und dessen Beystande sich ent-
halten zc. In tantum, ut vaniloquas eorum lingvas præcidendas
esse opinetur Bernhardus, teste Carpz. p. 1. C. 1. Def. 19. n. 7. quod
tamem durum nimis fore putarem. Nomina ꝛ quoque horum cli-
entum in frontispicio positionis exprimant, Ord: proc: Tit. 7. ibi:
Alsobald bey dem ersten Satz aller ihrer Clienten Tauf- und Zunah-
men/ so woht derer von Adel Häuser/ davon sie sich schreiben/ zu ex-
primiren. Nec ꝛ hac mandato comparcant, Ord: Proc: dicit. Tit.
7. pr. vers. Das Einbringen aus Nichterlichem Ambt verworffen
z. §. Wann auch einer mehr zc. vers. In Verleibung dessen der
Part in die Expensen zc. Quibus si Advocatus contravenit, ar-
bitrariè punitur, Carpz. lib. III. Res. V. Nicol. in Proc. p. 1. C. 6.
n. 19. Præterea ꝛ jura non in scriptis, sed ore tendis ab Advoca-
tis esse proponenda in Const: 1. p. 1. expresse reperitur sancitum,
quod novissimè in Rescripto Electorali de dato Dresden d. 25. A-
pril. 1672. confirmatum: Auch vernehmen Sr. Churf. Durchl.
missfällt/ daß etliche Advocaten nicht von Mund aus in die Feder in
der gewöhnlichen Verfaß-Stuben einbringen/ sondern ihre zu Hause
gefertigte Fälle durch ihre Schreiber und Jungen denen Copisten zu-
senden/ und ad Acta schreiben lassen zc. verordnen demnoch hiermit /
daß die Advocaten sich dessen hinführo gänglich / und zwar bey 20.
Rthlr. Strafe/ so oft sie dessen überführet/ enthalten sollen zc. Idq;
in Supremo Dicastrio Appellationum ita præcisè observatur; in
aliis autem, si in primis negotiorum adfit multitudo, non æquè ob-
servari, testatur fori observantia.

C A P. III.

De

SALARIIS & PRIVILEGIIS ADVOCATORUM.

I.

Advocati gratis patrocinari non tenentur, sed æquum est, ut ac-
cipiant honoraria. Esti quidem civilis sapientia pretio numma-
rio

rio non sit æstimanda, nec dehonestanda, l. 1. §. 7. π. de Extraord.
cogn. quia autem operarius dignus est suâ mercede, quidam etiam
vel ex avaritia, vel impudenti rusticitate & omni posthabita grati-
tudine honoraria Advocatorum retinent, rectissime ipsis honoraria
petendi facultas concedatur. Et quamvis Advocatus pro modico
salario advocans, vilis & contemptibilis habeatur; Græv. Concl.
44. conf. 1. n. 1. tamen ita iudicem in hisce versari oportet, ut pro
modo litis, proq; Advocati faciendâ, & fori consuetudine, & ju-
dicii, in quo erat acturus, æstimationem adhibeat: ne licitum ho-
norum quantitas egrediatur, l. 1. §. 10. π. d. t. quod centum au-
reos excedere non debet, l. 3. C. de Postulando. Causis criminalibus,
Trentacinqu. Var. Resol. de Postulando resol. 1. n. 12. p. m. 334. Ar-
duis, Gvido Papæ Dec. 190. aut salario imodico juramento confir-
mato, exceptis. Adde Finckelth. Obs. 98. n. 49. Sed hoc proce-
dit in causa alienâ, in propria verò nõ aliter exigunt salaria, quàm
sub prætextu damni, Carpz: Proc: Tit: 24. Art. 2. n. 11. 15. & seqq.
Porro † debetur totius anni salarium, si Advocatus initio vel me-
dio anni moriatur, Gail. lib. 1. Obs. 44. n. 12. Nec † in principio
anni solutum, causâ deficiente, repeti posse, Id. d. l. neq; † ab Ad-
vocati hæreditibus, Francisc. Pfeil p. 1. Concl. 54. etiam † ubi intra
annum finitus fuerat processus, totius anni rectè petitur, Carpz.
p. 1. C. 1. D. 34. vel † unam saltem epistolam scripserit, Schultes.
qu. 5. per tot. vel † cliens in causa succubuerit arg. l. 10. §. 1. π. de
negot. gest. vel † causa per amicabilem compositionem finem acce-
perit, Græv. 1. Concl. 44. n. 9. § 10. in tantum † ut expensæ ali-
mentorum, vecturæ & simillium, Zehrung und Fuhrlohn insuper
debeantur. Surd. de Aliment. Tit. 1. qu. 68. n. 1. § Tit. 4. n. 6. Zoro-
gaurisch Ausf. de An. 1583. Tit. Von Advocaten und Procurato-
ren, §. So ein Rechtsgelehrter etc. ibi: Aber nothwendige Zehrung etc.
etiam † antequam pedem de domo movent, arg. l. pen. C. de Testib.
Græv. concl. 44. n. 20. § 21. Non † tamen debentur, quas impen-
sas ad voluptatem fecit Advocatus, arg. l. 10. π. mand. nisi † forsitan
dominus istorum sumptuum rationem admittat, aut inter eos aliter
convenerit. Tandem † non attendi debet, an facili studio, an ma-
gno labore, librorumq; laboriosâ revolutione præstitum sit patro-
cinium. Non solum enim præsentis laboris, sed & exacti tempo-
ris,

ris, in Jure addiscendo ratio haberi debet. l. ult. C. de Alluv. Et hinc etiam ultra salarium munuscula ad esum & potum, Germanice: Geschenk in die Küche &c. accipi posse statuunt Molina Tom. 1. de J. & J. Disp. 88. vers: Primum est. Lessius de J. & J. Tom. 1. lib. 2. C. 12. n. 72. quamvis t̄ tutius agere ab hisce abinentem existimet Dn. Ziegl. in Dicast. concl. 20. §. 35. cū & minimis sit affectio, & ex minimis, si permittantur, facilis ad majora optanda & capienda sit via, Parth. Litig. lib. 2. C. 10. n. 13. Tantistamen non sunt lepus, cuniculus, capro, caprea, perdix, pavo, lucius, murena, salmo aut varia vinorum genera, ut Advocatus probus hisce corrumpi deberet. Carpz. Pr. Cr. p. 2. qu. 93. n. 61.

II.

Pauperibus verò gratis assistere tenentur Advocati, idq; sub pœna interdictionis fori. l. 7. C. de Postulando, Gail. 1. Obs. 43. n. 14. Caccialup. Tr. de Adv. C. 3. qu. 3. n. 5. Qui enim miseretur pauperi, beatus erit, Deut: 15. v. 10. Prov: 14. v. 32. Pauperi porrige manum tuam, & perficiatur benedictio tua, Psalm: 41. v. 2. it: notanter Es. 58. v. 7. & 8. Adde Ord: Cam: p. 1. Tit 19. §. fin. ibi: Auf daß auch niemand Armuth halben Rechtlos gelassen werde/ so soll der Cammer Richter/ so zu Zeiten seyn wird/ die Sachen der Armen / die ihrer Armuth Urfund und Anzeig bringen / und den End der Armuth in wassen/ wie unten gesetzt / erstatten / den Advocaten und Procuratoren/ ihnen zu rathen/ und zum besten in Rechten fürzubringen befehlen / und welchem Advocaten oder Procuratoren also solche Sachen befohlen werden/ der soll bey der Pan Entsetzung seines Ampts / die ohne Wiederred annehmen &c. Et hoc t̄ procedit, etiam si juraverit Advocatus, se nunquam gratis patrocinaturum, Gail. l. 1. Obs. 43. n. 16. modò t̄ adversis fortunæ casibus, sine culpa & luxu quis in paupertatem inciderit arg. l. 203. τ. de R. J. & juramentum paupertatis præstiterit, Carpz. p. 1. C. 1. Def. 28. quod tamen t̄ præcedere debet summaria paupertatis demonstratio, quæ per sententiam quotidie sic injungitur: Würde Kläger/ daß er die Rechtfertigung nicht verlegen könne/ gnugsam
C Schein

Schein zu den Acten bringen / und so denn das *Juramentum Pau-*
peratis wirklich leisten / so ergeth darauf ferner / was recht ist re.
Dn. Schwendendörffer in *Notis ad Fibig. pag. mibi 49.* Quo facto
facto jurare debent, se tantum non habere, unde expensas
judiciales vel salariū Advocato solvere possint. Ord. Cam. p.
1. Tit. 78. ibi: Ich N. schwöre einen Eyd zu GOTT / und auf
das heilige Evangelium / daß ich also arm bin / auch nicht an lie-
gender und fahrender Haab noch Schulden vermag / daß ich die
Langley umb nothdürfftige Brief / noch einen Advocaten bezohlen
oder belohnen könne; daß ich auch darumb mein Haab und Güther
gefährlicher Weis nicht veräußert oder übergeben habe. Interdum
verò adjiciuntur verba: Und-so meine Sache mit Recht erhalten/
oder sonst zu besserem Vermögen kommen werde / daß ich alsdann
jedem nach seiner Gebühr Bezahlung / und Ausrichtung thun wolte
ic. Ord. Cam. *disto loco.* Debet enim pauper, finita causa, si vi-
ctor in eā obtinuerit, sumptus refundere. Grav. Concl. 43. conf.
1. n. 10. Gail. qui rationem addit *Lib. 1. Observ. 43. n. 19.* In
Rebus publicis autem bene constitutis, ut in Province. Sax. Ord.
Cur. Lips. de Anno 1549. §. Es sollen auch drey Procuratores Sc.
certi Advocati constituti sunt, qui Pauperum appellari solent,
quique publico salario annuo ex fisco ad hoc conducuntur.
Sicut & in aliis Judiciis ex arario publico Advocati, res pau-
perum tractantes, honorarium accipiunt. Carpzov. p. 1. C. 2.
Def. 25. n. 6. Ubi & sicco pede non transcendendum, quod, pau-
pere pendente processu mortuo, heredes jusjurandum pauper-
tatis reiterare teneantur. Inest enim huic juramento vinculum
spirituale erga DEUM, solius jurantis conscientiam strin-
gens, & proinde de animā ad animam extendi & transire ne-
quit. Itaque heredes pauperum de sua inopia non minus,
quam eorum antecessor, jurato testabuntur. Mynsing. *Centur. 1.*
Observ. 81. ibi: Præstito juramento à paupere, si is pendente
ite decedat, liberi ipsius, ad quos actio jure successionis per-
venit, jusjurandum reiterare tenentur, alias non proceditur
in causa. Unde & in Curia Electorali Suprema, quæ Lipsiæ est,
Anno 1631. Term. Lucis in causa A. H. W. zu L. contra W.
R. 311

R. zu B. ita pronunciatum : Daß der Proceß zur Nothdurfft re-
assumiret. Würden nun auch ickige Cläger ihres angezogenen
Uvermögens beglaubten Eheim ad Acta bringen / und das Jura-
mentum Paupertatis darauf würcklich ablegen / so ergeth alsdann in
der Sachen feruer was recht ist. D. R. W.

III.

Dantur etiam certa remedia , quibus Advocati salaria
debita exigere valent , qualia † sunt conditio certi , si certum ;
actio ex stipulatu , si incertum sit promissum. Gail. *Lib. 1. Ob-
serv. 44. n. 3.* Actio † præscriptis verbis. Subest enim negoti-
um innominatum , facio ut des. Nam quoties de factis qua-
ritur , quæ propter suam excellentiam non recipiunt mercedem
, & tamen æquum sit , prooperâ aliquid præstari , tunc si
non potest negotium ad certum aliquid reduci , præscriptis
verbis agendum est. *t. t. w. de P. U.* Specialiter † quoque fa-
vore Advocatorum introductum est , ex solâ salarii promissio-
ne , nudo pacto factâ extraordinariè agi posse. *l. 7. l. 56. §.*
penult. w. mandati. l. 1. C. eod. idque sequenti formâ fieri pote-
rit : P. P. Cläger sagt kürzlich / wie daß er Beklagtem in Sachen
N. contra N. seithero advocando bedient gewesen ; Weil nun Be-
klagter ihm zum Salario Einhundert Reichs Thaler zu geben ver-
sprochen / und zu deren Abtrag in Güte sich nicht verstehen will : Als
fordert er deutliche Antwort / und bittet zu erkennen / daß Beklag-
ter die libellirten Einhundert Reichs Thaler nebst denen verursach-
ten Unkosten Clägern abzutragen schuldig se. *Nobilissimum Sc.*
Potestas † insuper datur Advocatis Acta privata aliaque docu-
menta retinendi , donec de salario ipsis satisfiat. *Carpzov. p. 2.*
*C. 25. Def. 23. Gothofred. de Salario C. 13. th. 17. Coler. de Pro-
cess. Execut. p. 1. C. 2. num. 247.* quam in rem facit elegans Re-
sponsum Facultatis Juridicæ Lipsiensis an J. W. J. U. D. und
Canonicum des Stifts R. Anno 1632. 3. Julii datum , & à Dn.
Fink. in *Observ. Præf. 98. n. 45.* relatum , quod quia hanc rem-
egregiè illustrat , non impingemus illud huc adscribere : Ob

wohl sousten niemand in seiner eignen Sache ihm Recht sprechen /
 und keiner eines andern Güthter / wider seinen / des Herrn / Willen
 haben und behalten kan ; Dennoch aber und diemehl die *jur. Retentionis*
 nachgelassen / und nach bewährter Rechtslehrer Schluss ein *Advocat*
 die *Acta*, Urkundten / und andere zur Rechtfertigung gehörige Sachen
 seines Clienten / so er bey sich gehabt / so lange ihnen behalten könne /
 bis ihm sein gebührendes *Honorarium* entrichtet worden / in dem
 seine angewandte Müß und Arbeit eine billige rechtmäßige
 Ursach der *Retention* ist / und sein Fleiß in der Rechtfertigung
 gleich geachtet wird dem Wertag und Unkosten / so etwan doselbst
 aufgewendet seyn mögen : So seyd ihr / als gewesener *Advocat*
 eures Clienten *Acta*, in angeregter *Criminal*-Sache / bey euch
 innen zu behalten / wohl befugt / *V. R. W. Tenetur tamen*
Advocatus Acta exhibere, si Reipublicæ interfit. Carpz. p. 2. C. 25. Def. 23. n. 5. § 6.

IV.

Quemadmodum verò in bene ordinatis Rebus publicis civibus
 boni præmiis, mali pœnis afficiuntur, l. 1. §. 1. ff. de J. C. §. i. ita
 idem in personis Advocatorum fieri videmus. Varia enim
 ipsis competere privilegia ex l. 9. l. 11. §. 1. l. 13. C. de Advoc. 1.
 l. 3. §. 5. l. 7. C. de Advoc. 2. adparet. Gaudent enim ¶ immunitate
 à muneribus, l. 6. C. de Advoc. 1. Perez. in Cod. de Advoc. 1. n. 4.
 Torturæ ¶ non possunt subijci ob crimina commissa, l. 8. C. de
 Questionibus. nisi læsæ Majestatis, hæreseos & delicti nefandè
 dicta fuerint accusati. Zanger. de Questionib. seu tort. reorum
 Cap. 1. num. 75, 76. § seqq. In ¶ causis propriis litigantes
 non solvant sportulas, l. 7. §. ult. C. de Advoc. 2. Fruuntur ¶
 beneficio competentis, Carpzov. p. 1. C. 32. Def. 18. n. 1. Et Salaria ¶
 jure castrensis peculii tenent. l. 4. l. 8. C. de Advocat. 1. Notandum ¶
 tamen, quòd Salariorum nomine in concursibus creditorum
 reliquis creditoribus non præferantur, Carpzov. p. 1. C. 28. Def. 30.
 Sed ¶ nec à pœnis sunt exempti. Sic prohibiti postulare,
 si nihilominus postulaverant, puniuntur arbitrariè,

trarié, l. 1. §. 6. π. de Postulando. Schobell, Disput. ad π. 3. tb. 6.
Vasallus † contra dominum scudi patrocinium præstans, benefi-
cio privatur, 2. Feud. 24. §. 2. vers. Item si delator. Secus, si
jussu judicis hoc fiat. Gall. Lib. 1. Observ. 88. n. 5. Donatari-
us † postulans contra donantem tanquam ingratus rem donatam
amittit, l. fin. C. de Revoc. Don. Gall. l. cit. n. 6. Jussu autem ju-
dicis factum, nihilominus cessat. Idem dicto loco num. 7. Præ-
varicatores quomodo puniantur, vid. supra Cap. 11. Thef. 4.
Hæc de Advocatis eorumque Officio in Republica summopere
necessario dicta sunt. Plura adjicere, nec tempus, nec
instituti ratio permittit. Ideo hic finis esto.

SOLI DEO
GLORIA!





S. P.

PRÆNOBILISSIME ATQUE CONSULTISSIME

DOMINE *Reylschmidt!*



Uamdiu Te novi, semper Te dilexi. Multa in Te placuerunt, unum præ reliquis: Ingenio polles iudicioq;. Pollent eò & alii; sed quod magnifacio ad usum quasi & praxin videris natus. Vera id Jurisprudencia est! Recorderis Tecum amice svavissime. Vix hauseras prima Jurium fundamenta, en! CARPZOVIVS noster de Accessione anomala & traditione disceptantem Te defendebat. Mox, ubi solidior erat eorum notitia, ipse Tuæ non vulgaris eruditionis specimen edebas. In multorum manibus adhuc versatur eruditissima illa, sub antesignani nostri Jcti Dni. B. L. SCHWENDENDORFFERI moderamine de Juramento Purgatorio habita dissertatio. Vice utrâque contingebat per amicitiam nostram, ut contradicerem publicè. Cordicitus fa-teor, egregium sententiæ Tuæ Advocatum præstitisti. Sed paulò post aliter & multò laudabilius munere hoc functus es. Orabas causas non proprias, sed quod

quod Advocati est, alienas. Defendebas non quod
disceptant Scholastici, sed quod opus habebant clien-
tes Tui. In quo munere optimè hætenus rem Tu-
am egisti. Quid mirum ergo præmia sequi certami-
na, honores excipere labores, & laudem manere
virtuti perpetuam? Quumquè dissertatio Tibi ex mo-
re jamjam habenda sit, aptiorem huic rei materiam
reperire vix licuisset, quàm quæ de Advocato agit.
Advocatus de Advocato, ut

Navita de Venis, de Tauris narrat arator.

Euge! auditor quondam, nunc ordinis ejusdem socie,
quævis Tibi felicissimè cedant. Dura hætenus per
genitoris obitum fata expertus es: erunt posthinc
leviora, quin acceptissima & summopere fausta. Ita
Voveo! ita spero. Interim vale & fave Tuo, quem
nostri,

ex alic


Lipse die 17. N
1679.

L. ANDREÆ MYLIO.



(X2618056)







258h
881
17.

Q. B. U. D.
DE 1679, 1680

M 3
23

ADVOCATIS
EORUMQUE
OFFICIO
IN
BENE CONSTITUTA REPUBLICA
VALDE NECESSARIO,
PRO OBTINENDA (3)
AD
DOCTORALESUTRIUSQ; JURISHONORES
LICENTIA
Publicè disputabit
Carl Heinrich Seylschmiedt/
CRIMMITSCHENSIS MISNICUS
RESPONDENTE
JOHANNEN HENRICO MYLIO,
HALLENSI SAX.
Ad diem 28. Maji (7. Junii) M. DC. LXXIX.
H. L. Q. C.
ERFURTI,
Typis KIRSCHIANIS,